

影印  
文淵閣

四庫全書

影印

文淵閣四庫全書

第一四六九冊

北京出版集團公司  
北京出版社

# 本冊目次

元  
初 詩

選(二)  
集

清  
顧嗣立編……一

欽定四庫全書

集部  
元詩選初集卷三十六

詳校官中書臣王鵬

主事銜臣徐以坤覆勘

總校官編修臣王燕緒  
校對官檢討臣溫常綬  
謄錄監生臣周勳

欽定四庫全書

元詩選初集卷三十六

庶吉士顧嗣立編

宋逸士无

亦作無

无字子虛舊以晞顏字行名名世家于晉陵以

兵亂遷吳冒朱姓至元辛巳其父國珍領征東

萬戶案牘適病瘵无丐以身代許之入海抵竹

島風電交作隨驚濤上下經高麗諸山罹沈疴

瘦骨柴立未嘗廢吟咏歲丁亥中丞王西溪舉

欽定四庫全書

元詩選初集卷三十六

茂才以奉親辭子虛初侍親西江從歐陽巽齋

學壯歲負氣視富貴若不經目性畏酒處衆多

漠然遇故人輒抵掌劇談絕倒而後已自為吳

逸士銘曰无生宋景定庚申髫年幹流東西時

雖搶攘而學不怠乙亥世變舊業俱廢遊方遐

覽寸陰靡留谷隱巖棲莫景將迫渙忍隨時以

微吟自怡得瘞骨先人冢傍見高曾于地下幸

已時子虛年八十有一至正庚辰歲也趙子昂

稱其詩風流蘊藉皆不經人道語鄧中父云其  
大篇如天孫織綃雲經霧緯自出機軸小律則  
日光虹彩渾然金壁攬麗縝密而不豔含鬱靜  
婉而不怨其深于唐之變也馮海粟與知最晚  
一見其翠寒集亟序而餒之謂如承恩金馬詔  
失意玉環詞落月今誰弔長庚夜自明雖使太  
白復生亦當為子虛擊節子虛詩雅秀絕倫宜  
為當時名輩所推重也他如吟嚙集一卷雜咏

欽定四庫全書

元詩選初集  
卷三十六

古人軼事于文山疊山陸君實韓氏諸作尤有  
餘悲焉鄧中父所謂議論諷刺揆蹟闡幽又不  
當徒以詩論之矣

烏夜啼

露華洗天天墮水燭光燒雲半空紫西施夜醉芙蓉洲  
金絲玉簧咽清秋鞞鼓鞭月行春雷洞房花夢酣不迴  
宮中夜夜啼棲鳥美人日日歌吳斂吳王國破歌聲絕  
鬼火青螢生碧血千年壞塚耕狐兔烏銜紙錢挂枯樹

髑髏無語滿眼泥曾見吳王歌舞時烏夜啼啼為誰身  
前歌樂身後悲空留瑟怨傳相思烏夜啼啼別離

公無渡河

九龍爭珠戰淵底洪濤萬丈涌山起鱷魚張口奮靈齒  
含沙射人毒如矢寧登高山莫涉水公無渡河公不可  
止河伯娶婦蛟龍宅公無白壁獻河伯恐公身為泣珠  
客公無渡河公不然憂公老命沈黃泉公沈黃泉公勿  
怨天

欽定四庫全書

元詩選初集  
卷三十六

戰城南

漢兵鏖戰城南窟雪深馬僵漢城沒凍指控絃指斷折  
寒膚著鐵膚戰裂軍中七日不火食手殺降人吞熱血  
漢懸千金購首級將士銜枚夜深入天愁地黑聲啾啾  
鞍下髑髏相對泣偏裨背負八十創破旗裹尸橫道旁  
殘卒忍死哭空城露布獨有都護名

公莫舞

公莫舞公莫舞鴻門王氣歸真主何人睚眦赤龍子手

循玉玦目相語令公莫舞公楚舞劍光射日白虹吐人  
發殺機天不與撞斗帳中唉亞父霸業明朝棄如土

長門怨

金壺咽淚蓮花澀銀箭浮遲渴烏泣知更阿監羅襪永  
暝對星河玉階立內官唱漏催曉籌芙蓉夢破燕支愁  
起來妝罷窺繡戶三十六院殘燭幽建章風傳鳳吹遠  
翠華晨幸昭儀館筵篋不語心自語愁長如天恨天短  
紅裯暖踏楊花雪絳綰閒封守宮血鸚鵡空猜警蹕聲

欽定四庫全書

元詩選初集  
卷三十六

四

春寒緊護流蘇結

枯魚過河泣

北溟有鯢散薄崑崙氣吞積石推禹門過河河水枯蹤  
跡困泥塗垂涎向海若能濟涓滴無中流有魴鯉不貸  
斗升水巨口走噉噉逆遊莫若鮪鯢兮鯢兮爾泣何由  
龍伯知決雨津倒天池涿水橫行隨鯢所之揚鱗為謝  
魴與鯉還有桃花春漲時

玉津園棄景鐘歌

炎精不靈火不德赤熛怒帝喪英魄羿弓射日日無光  
黃金大鑪破金色天崩七廟移神虛鬼哭長陵一坏土  
十二盤傾夜月寒漢銅仙人淚如雨六龍屈曲眠秋草  
草根蟪蛄語昏曉紫苔滿地愁古春東風吹得乾坤老  
蝸涎烏篆銀泥剝烏啄蒲牢戲左角更殘漏斷聲莫聞  
凡難司晨尊錢鐸

妾薄命

雲母屏瑤春水鮫女織綃蟬翼輕比妾妾薄命比君君  
薄情紅綿拭鏡照膽明還疑妾貌非傾城傾城從來有  
人妒况復君心不如故故人心尚峯九疑新妾那能無  
故時補天天高填海海深不食蓮葍不知妾心

天馬歌

天馬天上龍駒生天漢間兩目夾明月蹄削崑崙山元  
氣飲沆瀣躍步超人寰天上玉帝老不騎饑食虎豹曉  
出關滅沒流華姿歛忽紫電顏黃道三十六萬里日馳  
週天去復還時乎降精渥注中龍性變化終難攀天馬

欽定四庫全書

元詩選初集  
卷三十六

五

來瑞何朝化為龍應童謠騶虞仁獸恥在垌龍亦絕跡  
歸赤霄風沙豈非無大宛種雖有八極安能超天馬來  
雲霧開天殿騷衷鳴龍媒龍媒不鳴鳴驚駘

### 古硯歌

神媧踏雲補天去遺下一團蒼黑天千年萬年乾不得  
長帶盤古青紫煙玉工剖天天化石石內星精有餘魄  
瑠光發炯成禹壁海王川后輸玄液帝青呵霧坤倪溼  
匝月不開太陰泣破天殘缺無人補一穴絲絲漏春雨

### 欽定四庫全書

元詩選初集  
卷三十六

六

空藏老石磨今古補天何時與天語馮海粟云子虛烏  
夜啼公無渡河戰  
城南公莫舞至妾薄命古  
硯歌諸詩皆古錦神  
林鬼塚外帶三分鳳麟洲  
上飛仙羽翮格力

### 湖上意

晚過鴛鴦浦無心唱採蓮莫嗔蘭槳急為要趁前船

### 甘露寺放船至瓜洲風

天造西來險山迴北固形斷崖纏赤日孤柱擎蒼溟此  
地何能限長江或有靈然犀夜照浪飲馬曉吞星鐵鎖  
沈寥廓樓船沒杳冥乾坤一衣帶吳楚兩鄰亭擊楫人

人倦吹笳處處聞海門沙自白瓜步草猶青夢墮浮家  
樂魂遭振柁醒計程秋獵地問舍莫漁汀倏忽波濤變  
忽忙網罟停疾颺移蚌室暗雨卷龍庭鼎鼎鼃鼃壯谿  
訝樹石腥危檣連偏仄高岸失矧岨世事無深測生涯  
獨未寧愁煩復消釋題咏紀曾經

### 送鄧侍郎歸江西

光薦

中國衣冠盡孤臣蹈海迴秦思魯連操漢憶賈生才天  
遠文星隱江平畫鷁催人尋芳草去雁到故鄉來山色

### 欽定四庫全書

元詩選初集  
卷三十六

七

催行擢波聲送客杯身還蘇武節夢泣李陵臺水落蛟  
龍縮城空鼓角哀蒼梧雲浩蕩黃屋浪崔嵬夜雨江籬  
溼春風杜若開祇令少微動慎莫應三台

### 李翰林墓二首

嗜酒傲明時何因賀監知承恩金馬詔失意玉環詞名  
與三閭並身將四皓期匡山有書讀應亦歎歸遲  
一騎紫鯨去空掩謝山瑩落月今誰弔長庚夜自明乾  
坤沈秀氣江水帶哀聲天上多官府文章不可輕

長相思

昨夜相逢處，朦朧春夢中。遼西書不到，莫是戍遼東。

次友人春別

波流雲散碧天空，魚雁沈沈信不通。楊柳昏黃晚西月，梨花明白夜東風。秋千庭院人初下，春半園林酒正中。

背倚闌干思往事，畫樓魂夢可曾同。

子虛律詩工絕，海粟或稱此詩中聯高李。

迪評其詩謂滄蕩道逸于虞揚，范揚外別樹一宗，亦篤論也。

答王子長

欽定四庫全書

元詩選初集  
卷三十六

八

病後得書頻，情知未立身。孤燈風雨夜，兩處別離人。乙鳥歸來社，辛夷開過春。如逢元白問，莫說為詩貧。

廢宅

金谷花開得幾春，東風吹逐路傍塵。蛙鳴私地為官地，燕認新人是故人。珠履賣錢豪客散，玉釵乘傳舞娥顰。獸環一鎖歌鐘斷，時有鴉聲恐四鄰。

春愁

金雁塵香暗鳳絃，紅繩風緊閣秋千。園林寂莫無鶯燕，

一段春愁是杜鵑

南峰宴坐僧

空巖槁木形，入定掩松扃。鵲供銜來果，猿看誦罷經。雲霞埋衲重，苔蘚上鞵青。只有樵人識，曾因採茯苓。

銅陵五松山中

樵聲聞遠林，流水隔雲深。茅屋在何處，桃花無路尋。身黃松上鼠，頭白竹間禽。應有仙家住，避秦來至今。

山中書事

欽定四庫全書

元詩選初集  
卷三十六

九

學道志雲霄，自然塵念拋。雨寬琴上線，風響樹間瓢。果熟供猿食，松高任鶴巢。看他陳處士，終被華山招。

金陵送倪水西之江陵

楚江江上莫雲東，萬里春波去意濃。桃葉歌殘秣陵酒，梨花夢斷景陽鐘。沅湘水落瓊瑤合，巴蜀山來錦繡重。回雁峰前見歸雁，相思何處再相逢。

華蓋峰逸人

十步九巖壑，結茅無四鄰。山中春雨過，水上落花新。採

藥逢毛女焚香對羽人時攜一瓢酒醉著去朝真

寄王子長

薄宦仍依楚長閑傍酒墟客愁三月盡春夢五更初吟  
卷看花掩行牀並竹鋪江湖有佳句知我每相於

春閨

閒畫金釵記遠人杜鵑啼血又殘春琵琶絃上無多字  
近日相思彈不真

送僧還天目

欽定四庫全書

元詩選初集  
卷三十六

十

瓶錫亂峰西藤蘿畫掩扉山藏翠微寺僧向白雲歸梵  
寂風沈磬禪深雪到衣想曾行道處猿鳥共忘機

寄柳陽廖有大

遠宦身安不題書淚幾行千山萬水路一日九迴腸鷓  
鴒懷春語蘼蕪入夢香王孫歸未得歸得早還鄉

沙門島

孤嶼壓滄海風濤直下危蛟人依蜃市魚女祭龍祠月  
黑犀牛關波紅蠅螋垂登臨有奇觀感慨但言詩

牆頭杏花

紅杏西鄰樹過牆無數花相煩問春色端的屬誰家

墨梅寄因上人

夢覺霜林墮月眼明野水浮枝橫玉不吹春去斷縑閒  
寫相思

革

風波長不定浪跡在天涯莫怨身輕薄前生是柳花

山中僧

欽定四庫全書

元詩選初集  
卷三十六

十一

雪頂霜眉齒半稀跣趺苔石看雲歸山童埽葉鶴飛起  
狼籍松花滿衲衣

唐人四馬卷四首

金銜初脫齒新齊蹄玉無聲赤汗微昨日杏園春宴罷  
滿身紅雨帶花歸

簇仗回來玉勒閒黃門牽向落花間君王不愛長楊獵

嘶入春風十二閑

霜蹄踏月早朝回尾弄紅絲拂紫苔日暖龍池初洗罷

尚方閒進御鞍來

太僕新調試錦韉九重日色照連錢春來興慶池邊路  
偏稱宮中軟玉鞭

宮人斜

步搖明月冷無光骨掩春泥草亦芳豔魄不隨紅粉盡  
化為蝴蝶舞昭陽

揀

已峽聞聲愁斷腸冷泉照影綠陰涼藤搖亂雨領兒過

欽定四庫全書

元詩選初集  
卷三十六

十二

樹暉斜陽拾蠹忙獻果去尋幽洞遠攀蘿來撼落花香  
空山月暗無人見啼入白雲深處藏

鶴

毛骨珊珊白雪清千年世上頂丹成晴飛碧落秋空閣  
露立瑤臺夜月明仙島雲深歸有信天壇花落步無聲  
時來華表何人識依舊翻身上玉京

寄題無照西園

近地樓禪室祇園草木薰髯香花洞雨衣潤石闌雲松

吹和琴雜茶烟到樹分遙知道林輩來此論玄文

揚州即事

玉壘開方面金湯控上游連營驃騎宅重柝雁行樓彊  
弩虛空發飛橋日夜浮煙生烽燧地草死虎狼秋此處  
兵威震當時國步憂六年襄郡守三策蓋臣謀大將深  
圍陷長江萬里休兩淮先按堵孤注獨橫籌破竹纔乘  
勢聞風已置郵乾坤機軸轉海嶽版圖收春愛山堂柳  
波通汴水鷗平坡南下馬遠渡北來舟無復瓊花夢猶

欽定四庫全書

元詩選初集  
卷三十六

十三

餘芍藥愁塵埃何豎子還擁黑貂裘

玉環病齒圖

一點春寒入瓠犀海棠花下獨顰眉內廚幾日無宣喚  
不問君王索荔枝

杜工部祠

老病思明主乾坤入苦吟秋風茅屋句春日杜鵑心詩  
史孤忠在文星萬古沈祗應憶李白到海去相尋

山中

半嶺松聲樵客分一溪春草鹿成羣採芝人入翠微去  
丹竈石壇空白雲

湘竹杖寄無住

采向舜妃江廟前得來賈客木蘭船老宜泉石搗慵態  
吟稱煙霞倚瘦肩宴坐夜和金錫憩經行春卓紫苔穿  
知師道價神龍護莫漫騰空去九天

老将

殺氣消磨暗鐵衣夜看太白劍無輝舊時麾下誰相問

欽定四庫全書

元詩選初集  
卷三十六

十四

半去封侯半不歸

老馬

瘦蹄生入玉門關病放沙場戰骨閒歸翫殘芻應有淚

將軍頭白戍天山

老農

倩搔背痒坐深邨愛說前朝賜帛恩縣帖不來尋社長

自攤牛契教玄孫

老牛

草繩穿鼻繫柴扉殘喘無人問是非春雨一犁鞭不動  
夕陽空送牧兒歸

如鏡伐竹架過牆蒲萄斷竹挿地復生枝葉無住

序曰瑞竹余以詩贈之

為引寒藤延晚翠試裁碧玉動秋根鳳稍依舊生虛籟  
龍籜將相添遠孫林月過庭窺斷影茶煙潤色到啼痕  
湯休麗藻題還徧貝葉應多此處繙

無題

欽定四庫全書

元詩選初集  
卷三十六

十五

花影玲瓏滿繡牀自調綠綺背紅窗惆悵佳期學絃線  
七條哀怨不成雙

寄衣曲

征衣須早寄遙憶橐砧寒莫訝啼痕少相思淚已乾

贈竺鍊師

姓疑乾竺古先生霞外幽棲近四明履斗星移冠劍影  
步虛風引珮環聲藥宮夜喚青鸞降花洞朝騎白鹿行  
長使芝童看藥竈為耽瓊液過蓬瀛鶴傳仙語歸華表

魚寄丹書上赤城怪石醉中拈筆畫險碁靜裏按圖爭  
玉桃竊慣慵留種瑶草尋多盡識名縮地日攜龍作杖  
卧雲時約鳳吹笙海邊定與安期遇關上當逢尹喜迎  
我本翠寒山道士相隨便欲採黃精

贈日東僧

肄業重溟外隨緣大夏中錫飛鯨海靜杯渡蜃樓空音  
信千峰隔華夸一水通秋深故國夢應與逝川東

江南曲

欽定四庫全書

元詩選初集  
卷三十六

十六

遙天碧蕩蕩遠草綠悵悵并作相思海春來一樣深

蕃釐觀感瓊花

后土祠南喬坤維媿室家國封嚴典禮宮祀尚褒嘉不  
是神靈異焉能眷邇遐應須有玉女到此賞瓊葩麗服  
從空降明妝倚日斜同揮五雲扇共駐七香車月姊差  
調粉風姨罷散花青童迴降節金母屏形霞故事唐時  
盛佳名數代誇塵根雖下界天意在中華雪讓瓏璁巧  
冰銷刻鏤瑕人間惟獨爾地上更何加萬萼珠寥落羣

芳避豔邪玫瑰誠執御芍藥等泥沙聖運俄驚輟兵強  
忽肆拏斜訛難核實真廣遂贅牙雷雨還驚蟄潛藏重  
發芽旁枝微舊嶺新葉漫榮荂尤品終蕪沒珍粦逐水  
涯兩朝成草莽九廟雜龍蛇古殿蘭旗暗殘爐桂燎賒  
薜顏愁想像珠樹絕驕奢寂莫無雙譽徘徊但自嗟八  
仙聊免俗消得寶蘭遮

送母丘秀才自黔中歸益州

黔南萬里地劍外去寧親蜀魄花成血山魃樹隱身竹

欽定四庫全書

元詩選初集  
卷三十六

十七

枝歌峽夜椰子醉蠻春歸訪王孫宅彈琴有故人

寄山中僧

名山舊隱巖巖秀精舍蕭閒殿閣虛像禮旃檀千古佛  
經翻貝葉五天書獸依草座跏趺後禽下花臺施食餘  
空翠溼衣橫即栗紺泉澄盞涌芙蓉驚峰夢遶雲中寺  
鹿苑身棲物外居清梵夜迴松月冷孤禪晝起栢煙疎  
曙鐘寒韻侵虛籟午供春香入野蕪道念有時憐老病  
塵緣無計問真如遠公若許來同社陶令何妨去結廬

便向東林傍尊宿菩提從此發心初

遊三茅華陽諸洞四首

冠帶寒星帔剪霞步虛去宴玉宸家醉歸却跨青鸞下  
衝落碧桃無數花

玉案清香徹夜焚紫煙成蓋覆茅君數聲金磬秋壇霽  
敲碎遙天一縷雲

書滿琅函祕不開雲窻霧閣鎖青苔門前白鹿將魔過  
定是避秦人引來

欽定四庫全書

元詩選初集  
卷三十六

六

淡染雲霞五色衣古壇朝罷對花披洞中養隻千年鶴  
長被仙人來借騎

杭州

錦繡波翻太液空一池寒雨落芙蓉內前尚有中官住  
却聽西蕃寺裏鐘

羅噴曲

玉井荷花碧中藏偶意深綠房千萬萼多少可憐心

淵明

心寄羲皇上生逢晉宋時風流千古意只有杜鵑知

馬塍

桃李宮城近偏承雨露恩至今耕種地一半作花園

蘇堤

漢苑花何處唐陵栢已空相逢大堤柳令我憶蘇公

玉津園

御愛花無主長生樹幾時青青輦路草盡屬牧羊兒

景靈宮

欽定四庫全書

元詩選初集  
卷三十六

六

孟月祠原廟都人憶故宮當年駕幸處喬木鳥呼風

杭州

山勢猶龍鳳行宮已劫灰北人偏悵望曾見汴京來

建業懷古

離居迫馳道晨往內西門屏營無顧問偶逢路人言昔  
有六代宮今為百姓園阿閭餘故基層城但頽垣金鋪  
失嚴邃玉座變荒原陳昏早墮滅隋奢亟崩奔樂極終  
復悲替興相覆翻結綺徒構恨臨春工鎖寃貴嬪豔亦

無麗華皆不存高埂烏鳥集沃壤蓬蔴繁鴉如拜月魄  
蝶化尋芳魂草遺舊裙色花泣新啼痕空餘龍津水流  
入魚藻渾猶涵睿澤在尚感陽和恩孰知涓滴微曾悅  
萬乘尊坐令芻蕘賤襖飲汙其源念彼禾黍地凄然難  
具論寵深乃見辱涕下還成吞

海上自之罘至成山覽秦皇漢武遺蹟

霧氣沈坤極濤聲撼北溟雲霞五色水丹碧萬重屏脈  
絡華夸秀并吞宇宙青石梁橫地戶洞構壓風霆碑碣

欽定四庫全書

元詩選初集  
卷三十六

三

紛鳴鼓滿洶疾建瓴提封思霸主巡狩陟遐垌黔首何  
多難皇居不少寧山驅麟避藪海塞蜃遷庭鹵簿周荒  
服鱗蟲畏典刑天吳驚象駕精衛泣鑒鈴浪激秦嬴怒  
崖崩漢武靈空悲祖龍死但覺鮑魚腥采藥終驕妄求  
仙竟杳冥惟聞傳二世無復享千齡古昔飛騰客能存  
變化形解交烏兔隨定翳鳳凰翎玉檢微藏旨金丹別  
有經東華司竿歷南岳攷攷銘億劫開玄閣三宮護紫  
局睿仁斯可冀淫暴詎堪聽漫致安期爲虛邀阿母輯

昆池波鼎沸阿閣土花零夜雨蛇升樹春潮蛤上汀茂  
陵迷亂草禁苑暗流螢奢侈如飄電危亡若炳星明君  
當至治方士或來停火宅休生棘情河易轉革願逢清  
靜化昌運幾時丁

憶舊寄金陵馮壽之

憶昔江東日離居託孟鄰儒家見君好談席偶情親南  
斗文昌近西山爽氣新驪珠驚俗眼瓊樹倚芳晨大雅  
今重覩奇才豈易倫珊瑚生海網汗血出天津句滿雞

欽定四庫全書

元詩選初集  
卷三十六

三

林賈名齊雁塔人傳經心入聖用筆意凝神射策應先  
手藏環定後身巨流思待濟吾道詘當伸落魄傷遲邁  
依棲笑隱淪三年為倦翼萬里作窮鱗伏枕思霜橘歸  
溪戀紫萼鴻稀石城信魚隔太湖濱故宅閒多草空船  
獨採蘋夜吟酬蟋蟀莫景歎麒麟老恐襟期斷悲懷轍  
跡陳舊峰還似洛淮水想猶秦勝地登臨數殊鄉夢寐  
頻潮吞李白月花動謝安春有興須相覓無聊漫自呻  
休疑交契濶尚覺膽輪囷遠物那堪贈佳期欲細詢勞

歌因奉寄題罷更沾巾

詠石得天字

肢脈崑崙析胚渾混沌先靈分玄鳥峙秀聚景雲鮮覆  
壓風雷窟技撐宇宙穿峻增敵篠霧歷棘聳蘿煙葉葉  
棲危壁磷磷過瘦涓雨攻繩眼斷浪擊彈窩圓筆架珊  
瑚豎屏圍瑪瑙偏骨攢獐鬼竦脊凸老蛟踰劒卓空蒼  
色矛森紫翠顛醜宜鐫鳥篆剛可利龍泉怪漬潮紋溼  
頑和地軸連簣管稍快帶薜荔葉縈纏磊砢蛇身縮崩

欽定四庫全書

元詩選初集  
卷三十六

三

崢嶸勢偏薛侵題字處藤絡倚筇邊碎礫鋪文貝尖峰  
斫黛蓮竇深膏乳滴甃潤土花沿儼若峨冠者昂如峻  
士馬磴危欺木屐磯滑怯苔毯移恐嵐光動捫嗔野蔓  
牽衝湍聲類磬謝瀑韻成絃硬性辭斤鑿嵌形欠畫傳  
鼓歌傷莫續鼎句歎難聯砥礪誠由著磨礱學及遷畜  
奇希抱璞鍊餌說飛仙寸勢垂千仞鬼胎結幾年巖暉  
知產玉峽束見奔川織女支機穩山人作枕便隕星沈  
戰域敲火出魚船異或稱羊化疑應訝虎眠龜埋遺碣

下麟仆古塋前屹立中流壯平施大礎堅懷沙嗟放逐  
凝魄惜嬋娟德必穹碑紀詞當巨硯研險思經濫瀕功  
擬勒燕然嵩岱歸諸掌蓬瀛寄一拳不須填碧海直欲  
補青天

答無住和太初韻見寄

寶地人來少樵陰自晚晴片雲依石潤孤磬出花清竹  
筴分泉細檀煙上氈輕勒銘留水寺應供宿江城適楚  
濤喧定歸吳雪滯行雨苔粘凍屐廊葉覆閒枰琴為蛇

欽定四庫全書

元詩選初集  
卷三十六

三

紋買書因鳥跡評眼高無佛祖詩癖有山兄句妙唐風  
在心空漢月明畫禪休樹影夜梵雜松聲夏減遊方興  
秋添住岳情何時修白業去結嬾殘盟

上馮集賢

忠言如海膽如山趣入金門虎豹間玉筍曉班聯鷺序  
紫檀春殿對龍顏氣凌百辟星辰動賦就三都造化閒  
豈向長沙淹賈傳淳風會見筆追還

大都府  
紫微殿

送陳行之之信州推官

漢守曾懸榻家聲復世綸贊廉推雅士列郡重嘉賓  
昭代詳刑猷賢僚體聖仁袴襦憐故老狴犴念冤人  
英幹登時望文華異等倫固宜膺寵渥豈但活罷民  
江左名藩舊風流佐幕新平反須有頌剛決看如神  
郁鑒初榮養黃香早締姻錦還鄉已畫綵戲室俄春  
自補尋山屐誰親塾雨中拊循恩易洽煦嫗俗當高  
曲動陽關疊尊移祖帳陳未能忘手握何得更情親  
美爾丹霄貴悲余白髮貧尚期金鼎藥猶客素衣塵  
巖壑將幽賞煙霞欲

欽定四庫全書

元詩選初集  
卷三十六

十四

隱淪交游千古事離別百年身楚澤寒多雁吳波暖見  
鱗相思不相見音問莫辭頻

寄翰苑所知

多士當文治明良際盛時騷壇先佩印策陣已褰旗  
西極蹄千里南溟翼四垂疾雷天地破崩嶽鬼神移  
學過三都賦神超七步詩陰何須大賞鮑謝只平欺  
尺璧光難掩華鐘響發遲人遊丹桂窟鳳嘯碧梧枝  
漢室方虛席枚舉復擅詞數承恩詔見趨赴重官儀  
黃閣登清要

蒼生息舊疲星辰侵履舄桃李傍階墀珂里豪家逐銅  
駝樂部隨行歌金騷裊醉舞玉參差杜曲花偏滿蓬壺  
酒不辭弓開射熊館劍倚化龍陂秀彥居同棗軒車出  
共馳侯門相雜還寒素獨吁嘻塵榻應容下仙舟可待  
追亦慚才莫逮終負志難衰攀附羞蘿薦傍徨向路歧  
未酬題柱興徒抱練絲悲幽谷音猶澀鹽車力尚卑泥  
塗淹駮駟荆棘困黃鸝睨睨還求爰騰驤却避羈愁吟  
長缺伴閒夢矮牀知縫掖今誰貴乘桴任所之短章非

欽定四庫全書

元詩選初集  
卷三十六

十五

善頌聊以展吾私

尋貞白先生舊居

百折歷雲嶠千花通水源寒藤垂到地怪石立當門  
白壤鍊丹赤清池磨劍渾曾來誦經處片雨滴苔痕

己亥秋淮南饑客中懷故里朋遊寄之

行李依吳榜飄蓬更楚鄉山川歲云莫風雨夜何長  
此地從兵革斯民復旱蝗薦飢懷賑粟久渴望攜漿  
婦爭遺穗稚童拾棄芒哭喪多藁葬征旅少贏糧豈有災

重并而無戶損傷一年租幸免衆口飯誰將生晚羞干  
祿憂時念彼蒼悲歌思請劍顏墮輒推牀宵枕當寒溜  
晨梳候曙光牧羊人戢戢放馬草荒荒木落明秋野江  
空月照霜城烏頭并白水樹葉先黃羈客情難遣朋儕  
興不忘投瓊花院內博塞竹林傍尚恐詩盟淺猶嘆吏  
鞅妨偏提隨款段筇簷下滄浪稍遂田園計終須蘿薜  
藏松筠親戚輩麋鹿弟兄行春寺尋暄暖晴波泛渺茫  
清泉濯足冷紫菊染巾香醉任王侯貴閒辭禮數忙龐  
欽定四庫全書

元詩選初集  
卷三十六

王

南峰歸雲菴

雲伴老僧居翠微老僧應共白雲飛杖藜西去雲東去  
日莫僧歸雲亦歸

建業閒居春思

杜曲芳菲早江城店舍煙雨青榆莢地風白柳花天愁

結丁香上醒餘禁酒前病多遊冶少春事亦留連

寄眠雲處士

聞說華陽洞人間第八天茅君旌屢降弘景駕常延地  
吐黃金氣潭流碧玉泉神丹光夜發朱草葉春妍羽客  
家相接麟洲脈共連山遺秦女藥鋤得漢朝錢處士懷  
貞邀長生契宿緣童顏曾辟穀鶴相合成仙嘯傲三峰  
上披研萬象先囊攢五行物劍握七星權石鈿青精飯  
風鑪紫木煙赤松齊遠躅玄俗並遐肩九轉功將就雙

欽定四庫全書

元詩選初集  
卷三十六

王

親念復虔却攜瓊笈轉歸枕白雲眠薊子家嘗歷壺公  
設盡傳路回蓬島下杖化葛陂邊經案苔侵徧閒枰雨  
滴穿池留洗瓢水壁挂斷琴絃蕙帳損空怨蘿窻月自  
懸屈存容悵望澗去意潺湲局久基多變案清鼎又遷  
衲衣期異日築室定他年季世嗟予晚幽棲志獨堅欲  
隨蒲坐具已辦布行纏學道無如此遊方恐未然尚遲  
甘旨奉更被苦思牽腦慮精難滿心愛影或偏蘚壇情  
願埽茶竈手能煎根究嬰兒後參同混沌前求真不易